



Universitätsbibliothek Paderborn

Acta Pacis Westphalicæ Publica

Oder Westphälische Friedens-Handlungen und Geschichte

Worinnen enthalten, was vom Anfang des Jahrs 1647. biß gegen Ende desselben zwischen Jhro Römisch-Kayserlichen Majestät, dann den Beyden Cronen Franckreich und Schweden, ingleichen des Heiligen Römischen Reichs Chur-Fürsten, Fürsten und Ständen, zu Oßnabrück und Münster gehandelt worden

Meiern, Johann Gottfried von

Hannover, 1735

VD18 90566467

N.II. Convention zwischen Schweden und Chur-Brandenburg wegen Pommern.

[urn:nbn:de:hbz:466:1-52129](https://nbn-resolving.org/urn:nbn:de:hbz:466:1-52129)

1647. tione & modo, prout in pactis hæreditariis Ducum Pomeraniæ continetur, 1647.
Januar. amicè, omni violentia exclusâ, componantur & dirimantur. Januar.

6) Illustissimi Ducis Bogeslai ultimi p. m. corpus adhuc inhumatum & Stettini depositum, sumtu Serenissimæ Reginæ Sueciæ terræ mandetur & exequiis Ducalibus honoretur.

7) Pro conservando honore & fama prædicti Domini Ducis, æs alienum ab ipso contractum, excepto tamen eo, quod Ordines & Status Pomeraniæ utriusque ditiones, jam ante in sese receperunt, à parte Regiæ Majestatis & Coronæ Sueciæ pro duabus partibus, à parte Serenitatis suæ Electoralis pro una parte exsolvatur.

8) Extradantur quoque Serenissimo Electori omnia acta, requesta, literaliaque documenta Pomeraniam Ulteriorem & Episcopatum Caminensem, ejusque incolas & subditos concernentia, ex Ducali Archivo, Dicasterio, Consistorio & reliquis Chartophilaceis aulae Stettinensis, bona fide.

9) Caveatur item Ordinibus & subditis Pomeraniæ de antiqua sua libertate & privilegiis, per insertionem articuli Pomeranici & civitatis Stralsundensis in Instrumento pacis.

10) Nec divisio hæc iisdem, respectu communium privilegiorum, jurium, ordinationum, statutorum, consuetudinum & recessuum, præjudicio sit, sed nihilominus unum corpus maneant, oneraque Imperii in commune sustineant.

Liberum quoque sit subditis utriusque ditionis, pro conditione sua domicilium mutare, & ex una ditione in alteram se conferre, discedentibusque honorum suorum feudalium distractio, denegato consensu Ducali, vel alias neutiquam impediatur.

12) Servetur bona vicinitas, amicitia atque correspondentiâ inter Regiam Majestatem & Coronam Sueciæ ejusdemque subditos ab una, & Serenissimum Electorem Brandenburgicum, Domumque suam Electoralem & subditos ejusdem, ab altera parte, eaque lege pacificatio hæc publica stabilietur in perpetuum.

Quod si Dominis Dominis Legatis ac Plenipotentariis Suedicis visum fuerit, quædam adhuc explicatius dicere, promti sunt Legati Brandenburgici, eadem auscultare & super iis, ex regula boni & æqui, cum legatione Suedica convenire.

N. II.

Conventio inter Regni Sueciæ & Electoris Brandenburgici Legatos Osnabrugæ d. 29. Januarii 1647.

Cedat Regno Sueciæ

I. Pomerania Citerior, cum Rugiâ Insulâ.

II. Ex Pomeraniâ Ulteriori

1) Stettin.

2) Garz.

3) Dana.

4)

1647.
Januar.4) *Golnau.*

5) *Infula Wollin*, una cum interlabente *Oderâ*, per Mare, vulgò das frische Haff vocarum, suisque tribus ostiis, *Peine*, *Schwine* & *Dievenau* atque in Mare Balthicum.

6) Quicquid juris antehac habuere Duces Pomeraniæ Citerioris in *Episcopatum Camminensem*, idem impostero competat Regno Sueciæ in perpetuum.

Vicissim cedet Regia Majestas Sueciæ Electori

Reliquam *Pomeraniam Ulteriorem*, & quicquid juris Ducibus ulterioris Pomeraniæ antehac competiit in *Episcopatum Caminensem*; denique omnes Commendas & Bona ad Ordinem Equestrem *D. Johannis* spectantia, ac tandem ea Acta ac literaria documenta, quæ adhuc salva sunt, & hæc loca restituenda concernunt, ex Chartophylaceis Aulae Stettinensis Electori extrahi jubebit.

Ordinibus & subditis locorum cessorum competentia jura & privilegia ab Antecessoribus legitime acquisita, una cum securo liberoque Evangelicæ Religionis exercitio, juxta invariata Augustanam Confessionem perpetim fruendo, tam Regia Majestas Sueciæ, quam sua Celsitudo Electoralis, & utriusque Successores, respectivè circa homagii renovationem & receptionem, omni meliori modo confirmabunt & conservabunt.

Titulis & Insignibus Pomeraniæ Regia Majestas Sueciæ & Domus Electoralis promiscue utantur, Elector absque mentione Stettini & Principatus Rugiæ, omnique aliâ præensione in loca cessa, Sueci vero in simultaneâ investiturâ, & spe successione etiam in reliquum ulterioris Pomeraniæ, Episcopatus & Capituli Caminensis, casu deficientis lineæ masculinæ dictæ Domus Brandenburgicæ, cujus casus eventu tam Pomerania ulterior tota, quam Episcopatus & Capitulum Caminense, unâ cum titulo & Insignibus, ad solos Reges Regnumque Sueciæ perpetuò pertinebunt.

Sessio & Votum ratione Pomeraniæ competat tam Regiæ Majestati Regnoque Sueciæ, quam suæ Celsitudini Electorali, in Conventibus Imperii & Circulo Superioris Saxoniarum, Regiæ quidam loco priori.

Fida vicinitas & libertas Commerciorum terra marique, ut & navigationes cum navibus non bellicis, tam in itu, quam reditu, stationeque, non modo per Oderam, sed etiam ad littora portusque Pomeraniæ & mare Balthicum, atque inter Marchiam, Pomeraniam & Prussiam, eadem maneat, quæ fuerunt ante bellum, salvo jure legeque cujusque loci.

Cætera, quæ de exactiori limitum definitione, ut & aliis quibusdam articulis, determinationem ulteriorem requirunt, sicut minoris momenti sunt, quam ut Instrumento Pacis Generalis inferi debere videantur, ita ad ultiores tractatus, inter Regiam & Electoralem Domum proximè institutos, merito remittantur.

Quæ à Cæsarea Majestate tum Regia Majestas Sueciæ, tum sua Celsitudo Electoralis, pro recompensatione locorum hinc inde cessorum, paceque Imperii honesta securaque statuenda, amplius desiderent, ea mutuis consiliis operisque ex æquo & bono promoveri studebunt.

§. XIV.

1647.
Januar.